

CONSELLERÍA DE EDUCACIÓN E ORDENACIÓN UNIVERSITARIA

Orde do 8 de febreiro de 2010 pola que se autoriza o cambio de denominación do colexio de educación infantil e primaria do Graxal II de Cambre.

De conformidade co establecido no artigo 8.1º do Regulamento das escolas de educación infantil e dos colexios de educación primaria, aprobado por Decreto 374/1996, do 17 de outubro, por proposta da Dirección Xeral de Centros e Recursos Humanos, esta consellería

DISPÓN:

Autorizar o cambio de denominación específica do seguinte centro:

Provincia: A Coruña.

Concello: Cambre.

Código: 15032426.

Denominación anterior: colexio de educación infantil e primaria do Graxal II.

Nova denominación: colexio de educación infantil e primaria Graxal.

Santiago de Compostela, 8 de febreiro de 2010.

Jesús Vázquez Abad
Conselleiro de Educación e Ordenación
Universitaria

CONSELLERÍA DE TRABALLO E BENESTAR

Resolución do 1 de marzo de 2010, da Dirección Xeral de Relacións Laborais, pola que se dispón o rexistro e a publicación, no Diario Oficial de Galicia, do acordo da comisión negociadora do convenio colectivo de axuda a domicilio de Galicia.

Visto o texto sobre o pagamento dos atrasos correspondentes aos anos 2008-2009, subscrito pola comisión negociadora do convenio colectivo de axuda a domicilio de Galicia, na reunión celebrada en Santiago de Compostela o 3 de novembro de 2009, e de conformidade co disposto no artigo 90.2º e o Real decreto lexislativo 1/1995, do 24 de marzo, polo que se aproba o texto refundido da Lei do Estatuto dos traballadores, e no Real decreto 1040/1981, do 22 de maio, sobre rexistro e depósito de convenios colectivos de traballo.

Esta Dirección Xeral de Relacións Laborais

ACORDA:

Primeiro.-Ordear a inscrición do referido convenio colectivo no rexistro xeral de convenios desta dirección xeral, con notificación á comisión negociadora.

Segundo.-Remitir o texto orixinal ao correspondente servizo deste centro directivo.

Terceiro.-Dispoñer a súa publicación no *Diario Oficial de Galicia*.

Santiago de Compostela, 1 de marzo de 2010.

Odilo Martiñá Rodríguez
Director xeral de Relacións Laborais

ANEXO

Acta de xuntanza do sector de axuda a domicilio na Comunidade Autónoma de Galicia

En Santiago de Compostela, sendo as 14.00 horas do día 3 de novembro de 2009, na sede do Consello Galego de Relacións Laborais, sito na rúa Algalia de Abaixo, 24-baixo, reúnense representantes empresariais e sindicais, para abordar o pagamento dos atrasos correspondentes aos anos 2008-2009 no sector de axuda a domicilio de Galicia, asistindo as persoas a continuación sinaladas

-Representación empresarial:

Luís Suárez Filgueiras (AESSADG).

Carmen González-Rosón Flores (AESSADG).

José Félix Valderrey de la Huerga (AESSADG).

Mónica Valiño Suárez (AESSADG).

-Representación sindical:

Javier Martínez Fente (FSP-UGT).

Eliseo Rivas Pernas (FSP-UGT).

María Belén Muñiz Caamaño (FSP-UGT-asesora).

Manuel Vilaboy Ramil (FeS-UGT).

Dorinda Maceiras Sánchez (CC.OO.).

Ana María Cáceres González (CC.OO.).

María del Mar Castro Cristobo (CC.OO.).

José Manuel Crespo García (CC.OO.).

Cristina Martínez Ces (CIG).

Pedro Pérez Caride (CIG).

Asiste á xuntanza Demetrio Fernández López, presidente do Consello Galego de Relacións Laborais.

Logo das oportunas deliberacións e debate, acordan:

O pagamento dos atrasos pendentes dos anos 2008/2009 farase efectivo como máximo en dous prazos.

1º O 50% dos atrasos destes dous anos, coincidindo co pagamento da nómina de xaneiro de 2010.

2º O 50% restante dos atrasos destes dous anos, coincidindo co pagamento da nómina de xaneiro de 2011.

Xúntase cadro coas cantidades como anexo á esta acta.

E non tendo máis asuntos que tratar, levántase a reunión sendo as 14.05 horas do día da data e esténdese para o seu efecto a esta acta, que asinan por cuadruplicado exemplar todos os asistentes en presenza do presidente do Consello Galego de Relacións Laborais.

Convenio colectivo de axuda a domicilio de Galicia

Categorías	Salarios 2007					Salarios 2008					
	Salario base	P.P.P. extra	Complemento transporte	Total/Mes	Total/Ano	Salario base	P.P.P. extra	Complemento transporte	Total/Mes	Total/Ano	Atrasos 2008
Coordinador/a	753,03	62,75	107,89	923,68	12.482,31	803,26	66,94	115,09	918,35	13.314,88	832,57
Axudante de coordinación	693,05	57,75	107,89	858,70	11.582,60	739,28	61,61	115,09	854,37	12.355,16	772,56
Oficial administrativo/a	753,03	62,75	107,89	923,68	12.482,31	803,26	66,94	115,09	918,35	13.314,88	832,57
Auxiliar administrativo/a	693,05	57,75	107,89	858,70	11.582,60	739,28	61,61	115,09	854,37	12.355,16	772,56
Auxiliar de axuda a domicilio	666,40	55,53	107,89	829,82	11.182,80	710,85	59,24	115,09	825,94	11.928,69	745,89
Axudante domiciliaria	576,28	48,02	107,89	732,20	9.831,01	614,72	51,23	115,09	729,81	10.486,74	655,73

EMPRESA PÚBLICA DE OBRAS E SERVIZOS HIDRÁULICOS

Resolución do 15 de febreiro de 2010 pola que se dá publicidade aos convenios de colaboración subscritos por este ente público no terceiro cuadrimestre do ano 2009.

O artigo 11 da Lei 4/2006, do 30 de xuño, de transparencia e boas prácticas na Administración pública galega (DOG nº 136, do 14 de xuño) establece que as entidades públicas vinculadas ou dependentes da Comunidade Autónoma de Galicia, deberán publicar cuadrimestralmente no *Diario Oficial de Galicia* unha relación cos convenios de colaboración asinados no cuadrimestre anterior.

Polo que antecede, en virtude das facultades que teño concedidas,

RESOLVO:

Facer pública a relación dos convenios subscritos pola Empresa Pública de Obras e Servizos Hidráulicos durante o terceiro cuadrimestre do ano 2009, que se incorpora como anexo a esta resolución.

Santiago de Compostela, 15 de febreiro de 2010.

Ethel M^a Vázquez Mourelle
Presidenta da Empresa Pública de Obras
e Servizos Hidráulicos

ANEXO

Convenios de colaboración subscritos pola Empresa Pública de Obras e Servizos Hidráulicos durante o terceiro cuadrimestre do ano 2009:

-Convenio de liquidación do convenio de colaboración entre a Empresa Pública de Obras e Servizos Hidráulicos, o Instituto Galego de Vivenda e Solo e o Concello de Begonte para remate das obras de «Proxecto de subministración e estación de tratamento de auga potable do parque de reserva empresarial no Concello de Begonte», de clave OH.227.442.

-2^a Addenda ao convenio de colaboración que se subscibirá entre a Empresa Pública de Obras e Servizos Hidráulicos, o Concello de Taboadela, o Concello de Allariz e o Instituto Galego de Vivenda e Solo para a execución das obras de mellora do abas-

tecemento de auga potable á mancomunidade de Allariz-Taboadela (Ourense), de clave OH.232.554.

-Convenio de colaboración entre a Consellería de Medio Ambiente, Territorio e Infraestruturas, a Empresa Pública de Obras e Servizos Hidráulicos, o Instituto para a Promoción e o Equipamento do Solo Industrial da Provincia de Pontevedra, Ipespo, o Concello de Barro e o Concello de Portas para a execución das obras de abastecemento ao polígono industrial de Barro-Meis, de clave OH.236.878.

-Convenio de colaboración entre a Consellería de Medio Ambiente, Territorio e Infraestruturas, a Empresa Pública de Obras e Servizos Hidráulicos, a Consellería de Economía e Industria e o Concello de Cerceda para a execución e financiamento da EDAR industrial de Cerceda, de clave OH.315.932.

-Addenda ao convenio de colaboración entre a Consellería de Medio Ambiente, Territorio e Infraestruturas, a Empresa Pública de Obras e Servizos Hidráulicos e os concellos de Boiro, Porto do Son e Gondomar para a execución de determinadas obras previstas no «Plan de actuacións para a eliminación de verteduras nas rías galegas».

UNIVERSIDADE DE SANTIAGO DE COMPOSTELA

Resolución do 16 de febreiro de 2010 pola que se publica o plan de estudos de graduado ou graduada en Bioloxía.

Obtida a verificación do plan de estudos polo Consello de Universidades, logo do informe favorable da Axencia Nacional de Avaliación da Calidade e Acreditación, así como a autorización da Comunidade Autónoma de Galicia, e establecido o carácter oficial do título por Acordo do Consello de Ministros do 30 de outubro de 2009 (publicado no BOE do 5 de xaneiro de 2010 por Resolución do secretario de Estado de Universidades do 13 de novembro de 2009).

Esta reitoría, de conformidade co disposto no artigo 35 da Lei orgánica 6/2001, de universidades, na redacción dada pola Lei orgánica 4/2008, resolve publicar o plan de estudos conducente á obtención